

Te Mātāuru ki Tainui

Investment Plan 2024

*E kite ana tō whatumanawa
i te moutere*



Te Ōwī me te Ōwā - Vision

Rere noa ana te reo ūkaipō i Tainui!

Ko Mokau ki runga. Ko Tamaki ki raro. Ko Mangatoatoa ki waenganui. Pare Hauraki, Pare Waikato, Te Kaokaorua o Patetere, Te Nehenehenui

Ma tatou hei whakatere te waka o te reo, ko nga niao ko te mahi tahi me te manaakitanga.

Ko te taurapa, ko te Kingitanga. Ko te tauihu, ko nga uri whakatupu.

Ko nga iwi ona kaumoana. Ko nga paemanu nga mangai o nga iwi o te rohe.

Ngā kaupapa matua

1. Takere - REO KŌRERO

Kia māori te tuku o te reo ki te kāinga, ki te marae, ki te hapori me te taiao.

2. Te Rā Kauawhi - Whakatītina

Ka whakatupuria te reo Māori me tōna māramatanga ki te kaupapa o te rautaki reo e akiaki ana i te pai o ngā waiaro.

- Ko te ngaronga atu o te reo me te whakawhanake haere i te tirohanga whānui.
- Whakatītina Reo

3. Riu - Ako

Ka pai ake te mātau haere o te reo, te māramatanga me te māia mā ngā hōtaka, ngā akoranga, ngā wānanga, me te whakawhanake haere i ngā rauemi.

Kāinga – Te reo o ia rā - Te reo tuku iho

Marae – Whaikōrero, karanga, waiata, karakia, mihihihi, kōrero tuku iho, tongikura, pepeha, whakapapa, tikanga.

Ngā Toi Ora – Kapa haka, puoro, raranga, whakairo, hākinakina, rongoā

4. Te Paparewa – Tuakiri

He rangahau, he hopu, he whakawhanake, he whakatītina i ngā kōrero tuku iho me ngā reo ā-hapū, ā-iwi hoki o roto o Tainui.

5. Te Kei – Ngā Whakaihuwaka Reo

Me whakatupu, me tautoko hoki i ngā tohunga, ngā whakaihuwaka, ngā kaihautū ki te whakamahere me te mātirotiro hoki i ngā āhuatanga o te rautaki reo ki raurangi.

Ngā Piki Tūranga – Mā te Pou Reo, Ngā Paemanu, te Kāhui hoki hei whakapūkenga te āpōpō.

Mahere Whakamahinga Reo - Ko ngā Tūtohi Reo, ko ngā Rautaki mahere Reo me ngā pūrongorongo.

6. Ngā Kaihoe – Kia tapatahi te hoe

- Me tautoko te pūtea tōkeke me ngā ara tohatoha.
- Me tautoko i te hunga kaitono kāore anō kia eke panuku.

Ngā Mātāpono

- Me noho mātāmua te reo;
- Me hāngai te pūtea e tonohia ana ki ngā hua kaputa i te kaupapa;
- Me aro pū ngā tono ki te Māhi Māori, waiho ngā kaupapa karauna;
- Me hāngai ngā tono ki ngā mahere reo ā-iwi, ā-marae, ā-whānau, me ngana rānei ki te whakarite mahere reo;
- Ko te reo te kaiwhakakotahi i te iwi me ngā kaupapa e taea ana.

Te Pae Huakai – Whāinga

Hei te tau 2040:

- Ka ūkaipō te reo i ngā kāinga Māori 50% o Tainui;
- Ka rangona te rere o te reo ki mua, ki muri i ngā marae 75% o Tainui;
- Ka rangona te rere o te reo i ngā kaupapa, i ngā tiriti o Tainui.

Me pēwhea e tutuki ai ngā whāinga?

Hawaiki-itī – Tupu

- Ko te rīrā o te mahere reo me te tika o te hautūtanga;
- Ka whakatupuria te pū harakeke o te hapori me te urunga mai o te whānau.
- Ka akiaki tonu i ngā whānau hou, me ngā marae e ārahi haere ana i ā rātou kaupapa;
- Ka tautoko i ngā hōtaka akoranga e aro ana ki te whakangungu haere i te mātau o te ākonga;
- Ka tautoko i ngā mahi auaha;

Ko Te Kete Rukuruku – Te ora roa

- Ka tautoko i ngā whakaihuwaka reo me ā rātou mahi, ā, haere ake nei;
- Kia arotakehia, kia whakawhanakehia ngā mahere reo hou kia whaitake;
- Kia waihanga tonutia ngā mahi ako reo;
- Kia whakatītinahia te tohatoha haere o ngā whakaaro e pā ana ki ngā mahi rautaki reo;
- Me tautoko te mahi ngātahi kaua ki te tātāwhāinga;
- Kia waihanga tonutia ngā ara whakaputa o te reo takere me ngā āheinga hou ki te whakakōrero i te reo;

Te Pae ki Uta – Ngā hua

- Ka whakatupuria te kōrerotanga mai o te reo ki te kāinga, ki te marae me ngā hapori;
- Ka whakatupuria te kōrerotanga mai o te reo ki ngā wāhi ōkawa;
- Ka whakatupuria ake te kōrerotanga mai o te reo o Tainui; ngā kupu, ngā rerenga, ngā kōrero tuku iho, ngā whakapapa, ngā waiata, ngā karakia, ngā tongikura, me ngā pepeha;
- Ka whakatupuria te reo hou o Tainui/ ngā titonga hou a iwi, ngā kupu hou, me ngā kōrero hou.